

## Месигь Ыса идаагын ухай

1 Шени заманайл Роомайни паччагь Августна гыргыни чИел инсанаршин сиягьий ыккесда амыр вухъа. 2 Шамни оЛкайл Квириние паччагьийвалла гъааъанкъаІ ин сифтайн сиягьийний водон. 3 Манке гыргынбы сиягьийбишейхъа оокІанас джони шагъарейхъа абкІынийнбы. 4 Галилейни Назарет шагъарейнче Ягъудейхъа, Давударшини Бетлегъемву эйгъени шагъарейхъа, сайир Юсуф гъаркІын, чунки мана Давударшини хаани насылакений ворна. 5 Джус дойик хъайгьийни Мариямуква оокІанас; манар вухъне кул'фат ихъес гумануканий ворна. 6 Манбы маа вухъайнкъаІ, Манкъына кул'фат ухасда вахт хъабы. 7 Маа, чолэй, ухохуна джена цІеррийнаа Дех, гъиркІырна Мана, гойнер гиххына тІынейхъа, манчихъа гора ки, манбишихъаб мигъманханей джигга вухъа деш. 8 Мани джигайлни чолул' вобний къоранар, манбише хаІмде джони сюрубишда къаравулийвалланий гъааъана. 9 Бирданра манбишисхъа гярна Танрыйна маляик, ва манбишилхъа гидхъуйн ГЫнишен Нур; ва хедни гичІин хъабкыІнийнбы. 10 МанбишикІле маляике ивгъойн: «ХъыІмаакъаІн; зы шос хебна шадвалла абы, мана гыргынбишда шадвалла вухъес. 11 Чунки къийна Давударшини шагъарей ухоху ворна, шавайе шу гывааджес, Вуджур Танры Месигь ворна. 12 Шосун нишан гъайин водон: шосхъа кІатІарбишей гъидкІыр, тІыней къалидхъу Кул'фат авайкес». 13 Маа бирданба гябна маляикиквa аІршена хебна къошун, ГЫниш алхышламишаъа эйгъен: 14 «Баракаллагъ аІрше ГЫнишис, чИел Манкъуна маргъаІматнани инсанаршисыд рыцІкый суІлгъ!» 15 Маляикар манбишике хайбишейхъа абкІынийнкъаІ, къоранарше сана-санкъуІле эйгъен: «Дора вуххъаІс Бетлегъемхъа, илякаас, гъиджооие маа ыхъа, нишини гъаІкІейіе агагъ гъавъу шас Танрые». 16 Манбы телесюкба хъабийнбы, маа авайкыйнбы Мариямий Юсуф, сайид тІынэй къалидхъуйн Кул'фат. 17 Гъайин карбы къаджийнкъа, манбишикІле гъиджооие ивгъу гъайни Кул'фатни гъаІкІей, манбише йишон гъау. 18 Инбишис гъавъийни къоранаршини гафыле гыргыба

кЫры гЫвойнбы матебхьайнбы. 19 Марияме ин джуваббы йикей  
гЫваджу, манчил угъа гьаИммаше фыкыр гьааъа йихъа. 20  
Къоранар, къайхьыйни ва къаджийни ишбишил алла, няхуИдей  
манбишиКле маляике ивгъу, ГЫнишиле таЪрыфбы, алхышбы  
гьаъа, сабКЫлыИнбы.